



REPUBLIKA E SHQIPËRISË
KONTROLLI I LARTË I SHTETIT
DEPARTAMENTI I AUDITIMIT TË PERFORMANCËS

Adresa: Rruga "Abdi Toptani", nr. 1, Tiranë; Tel-Fax: 0664057089
E-mail: rmuca@klsh.org.al; Web-site: www.klsh.org.al

Nr. Prot. 1430/
16

Tiranë, më 28/12/2019

V E N D I M

Nr. 166, Datë 28/12/2019

PËR

EVADIMIN E MATERIALEVE TË AUDITIMIT TË PERFORMANCËS
"Performanca e MBZHR-së në kuadër të zbatimit të Politikave të Peshkimit dhe Akuakulturës"

Në zbatim të Planit Vjetor Institucional 2019, Kontrolli i Lartë i Shtetit, në kuadër të përmbushjes së funksionit të tij Kushtetues, zbatimit të Udhëzimeve dhe Standardeve Ndërkombëtare të Auditimit (INTOSAI, EUROSAI, etj.), sipas Programit të Auditimit nr. prot. 1430/2, datë 16.09.2019, ndërmori auditimin me temë *"Performanca e MBZHR-së në kuadër të zbatimit të Politikave të Peshkimit dhe Akuakulturës"*. Ky auditim u ushtrua në Ministrinë e Bujqësisë dhe Zhvillimit Rural. Pas përfundimit të punës paraprake audituese u përgatit programi auditues. Në përfundim të punës audituese në terren, me shkresën nr. 1430/4, prot datë 26.11.2019 iu përcoll Projekt-Raporti i Auditimit subjektit nën auditim.

Në përfundim të afatit ligjor subjekti nën auditim nuk paraqiti observacione për Projekt-Raportin e Auditimit. Pas kësaj grupi i auditimit hartoi Raportin Përfundimtar të Auditimit.

Në përfundim, pasi u njoha me Raportin Përfundimtar të Auditimit dhe *Projekt-Vendimin* e paraqitur nga grupi i auditimit, të Departamentit të Auditimit të Performancës, shpjegimet e dhëna nga subjektet e audituara, mendimin për cilësinë e auditimit nga Drejtori i Drejtorisë së Standardeve dhe Sigurimit të Cilësisë, vlerësimin mbi objektivitetin dhe cilësinë e auditimit nga Kryeaudituesi dhe Drejtori i Departamentit të Auditimit të mësipërm, në mbështetje të nenit 15, shkronja "c" të Ligjit nr. 154/2014, datë 27.11.2014, "Për organizimin dhe funksionimin e Kontrollit të Lartë të Shtetit".

KONKLUDOVA

Aktiviteti i peshkimit dhe akuakulturës është një aktivitet i gjerë që përfshin dhe ka ndikim në një sërë fushash siç janë: mbrojtja e mjedisit, zhvillimi social-ekonomik i zonave ku ushtrohet aktiviteti dhe ofrimi i produkteve të sigurta për konsumatorët.

Raporti i auditimit të performancës me temë *“Performanca e MBZHR-së në kuadër të zbatimit të Politikave të Peshkimit dhe Akuakulturës”* jep një vlerësim të përgjithshëm mbi përmbushjen e Objektivave Specifike të Zhvillimit të vendosura në Strategjinë Kombëtare të Peshkimit 2016-2021, vlerëson zbatimin e legjislacionit për peshkimin dhe akuakulturën, analizon procesin e monitorimit-kontrollit-vëzhgimit-inspektimit të aktivitetit të peshkimit dhe akuakulturës, si dhe pasqyron gjendjen në të cilën ndodhet infrastruktura e peshkimit dhe akuakulturës.

Në këtë auditim jemi përqendruar në Ministrinë e Bujqësisë dhe Zhvillimit Rural si dhe në institucionin e varësisë Drejtorinë e Përgjithshme të Peshkimit dhe Akuakulturës si institucionet përgjegjëse në hartimin dhe zbatimin e politikave të peshkimit dhe akuakulturës.

MBZHR nuk ka hartuar dhe miratuar një sërë aktesh nënligjore duke dështuar në plotësimin e kuadrit ligjor të peshkimit dhe akuakulturës. Ligji i Akuakulturës i miratuar në vitin 2016 ende nuk ka gjetur zbatim si rezultat i mosmiratimit të Zonave të Përcaktuara për Akuakulturë, duke penguar kështu zhvillimin e këtij sektori. Bashkëpunimi jo i mirë midis MBZHR-së dhe institucionit në varësi të saj DSHPA-së, si dhe komunikimi i dobët institucional brenda MBZHR-së, janë tregues direkt të mosmenaxhimit efektiv të veprimtarisë së peshkimit dhe akuakulturës. Pamjaftueshmëria në mjete logjistike dhe burime njerëzore bën që DSHPA të mos jetë efektive në inspektimin e aktiviteteve lidhur me peshkimin dhe akuakulturën. Mungesa e sistemit të sinjalizimit satelitor për monitorimin e anijeve të peshkimit bën të pamundur identifikimin e lëvizjes së anijeve, kontrollin e peshkimit të paligjshëm dhe regjistrimin e të dhënave në format elektronik.

Portet e peshkimit të vendit tonë menaxhohen në mënyrë jo efektive dhe kanë mungesë të hapësirave ankoruese, kantiereve për riparimin e anijeve të peshkimit, si dhe furnizimit me ujë dhe energji elektrike. Ekonomitë e rritjes së rasatit të Koranit në Lin dhe Krapit në Zvezdë nuk furnizohen mjaftueshëm me ujë dhe cilësia e tij nuk është në parametrat e duhura. QGDM Sarandë nuk siguron që e gjithë sasia e prodhuar e midhjeve të kalojë në qendër për certifikim, etiketim apo depurim sipas klasifikimit.

Masat e marra nga MBZHR në vitet 2016-2018 për menaxhimin e aktivitetit të peshkimit dhe akuakulturës nuk kanë qenë të mjaftueshme. Moszbatimi i “Objektivave Specifikë Zhvillimorë” të Strategjisë Kombëtare të Peshkimit ka bërë që politikat e ndërmarra nga qeveria për këtë sektor të mos jenë efektive në drejtim të garantimit me cilësi të aktivitetit të peshkimit dhe akuakulturës.

Rekomandimet për problematikat e identifikuara në këtë auditim kanë konsistuar në plotësimin e kuadrit ligjor të peshkimit dhe akuakulturës, riorganizimin e duhur strukturor të MBZHR-së në përputhje me Strategjinë Kombëtare të Peshkimit, mbulimin me inspektim të të gjithë zinxhirit të aktivitetit të peshkimit dhe sigurimin e mjeteve logjistike në dispozicion të inspektorëve të peshkimit si dhe përmirësimin e infrastrukturës së përgjithshme të porteve të peshkimit dhe ekonomive të akuakulturës.

Nisur nga konkluzionet e mësipërme të veprimtarisë audituese, duke synuar përmirësimin e mëtejshëm të rezultateve:

V E N D O S A:

I. Të miratoj Raportin e Auditimit me temë *“Performanca e MBZHR-së në kuadër të zbatimit të Politikave të Peshkimit dhe Akuakulturës”*, të ushtruar në Ministrinë e Bujqësisë dhe Zhvillimit Rural.

II. Të miratoj rekomandimet e përcaktuara dhe të kërkoj marrjen e masave për sa vijon:

I. Për Pyetjen: A janë ngritur dhe a bashkëpunojnë si duhet strukturat që kanë përgjegjësi apo janë të përfshira në menaxhimin e aktivitetit të peshkimit dhe akuakulturës?

Gjetje:

1. MBZHR nuk ka ndryshuar strukturën organizative të saj në zbatim të Strategjisë Kombëtare të Peshkimit.
2. MBZHR nuk ka një Plan të Zhvillimit të Burimeve Njerëzore për Drejtorinë/Sektorët e Peshkimit siç është parashikuar në SKP.
3. Numri i punonjësve që mbulojnë sektorët përgjegjës për peshkimin dhe akuakulturën në organikën e brendshme të MBZHR-së është i pamjaftueshëm.
4. Ministri i MBZHR për vitet 2016 dhe 2017 nuk ka ngritur Komisionin Konsultativ Qendror për Peshkimin dhe Akuakulturën.
5. Kryetari i Komitetit për Koordinimin e Kërkimit Shkencor, Teknik dhe Ekonomik nuk ka mbledhur komisionin për vitin 2017 dhe 2018.
6. DSHPA ka raportuar periodikisht pranë Ministrisë të MBZHR-së analizat vjetore institucionale. Për periudhën objekt auditimi këto analiza nuk i kanë kaluar asnjëherë Sektorit të Politikave dhe Strategjive të Zhvillimit në fushën e Peshkimit dhe Akuakulturës dhe Sektorit të Programeve të Zhvillimit në fushën e Peshkimit dhe Akuakulturës.
7. Sektori i menaxhimit të Porteve të Peshkimit (DSHPA/MBZHR) nuk ka hartuar një Memorandum Mirëkuptimi me OMP-të në zbatim të Strategjisë Kombëtare të Peshkimit dhe Planeve të Menaxhimit të Peshkimit.
8. Sektori i Politikave dhe Strategjive të Zhvillimit në fushën e Peshkimit dhe Akuakulturës në MBZHR nuk ka hartuar ende një plan strategjik kombëtar për akuakulturën.
9. Përgjegjësi i Sektorit të Politikave dhe Strategjive të Zhvillimit në Fushën e Peshkimit dhe Akuakulturës [REDAKTUAR] me largimin e tij nga detyra në muajin mars 2019 nuk ka bërë dorëzimin e detyrës dhe dokumentacionit në kundërshtim me detyrimet që përcakton kuadri ligjor për nëpunësin civil¹.

Për sa më sipër rekomandoj:

1. MBZHR të marrë masa për të krijuar Drejtorinë e Peshkimit brenda strukturës së saj në përputhje me Strategjinë Kombëtare të Peshkimit si dhe të shtojë numrin e punonjësve në këtë Drejtori minimumi 10 punonjës në total.

Prill 2020

¹ VKM nr. 124, datë 17.02.2016 Për Pezullimin dhe Lirimin nga Shërbimi Civil

2. MBZHR të hartojë dhe miratojë Planin e Zhvillimit të Burimeve Njerëzore për punonjësit e Drejtorisë/Sektorëve të Peshkimit me qëllim rritjen e kapaciteteve profesionale të tyre dhe përmirësimin e performancës në përmbushjen e detyrave funksionale.

Mars 2020

3. Ministri i MBZHR-së të mbledhë Komisionin Konsultativ Qendror për Peshkimin dhe Akuakulturën çdo vit.

Çdo vit

4. Kryetari i komitetit të marrë masa për të mbledhur Komitetin për Koordinimin e Kërkimit Shkencor, Teknik dhe Ekonomik çdo vit.

Çdo vit

5. Niveli drejtues i MBZHR-së të marrë masa që raportimet periodike (analizat vjetore institucionale) të DSHPA-së dhe çdo informacion tjetër lidhur me zhvillimet që ndodhin në sektorin e peshkimit dhe akuakulturës t'i përcillen nivelit ekzekutiv (Sektorit të Politikave dhe Strategjive të Zhvillimit në fushën e Peshkimit dhe Akuakulturës dhe Sektorit të Programeve të Zhvillimit në fushën e Peshkimit dhe Akuakulturës).

Vazhdimisht

6. Sektori i menaxhimit të Porteve të Peshkimit (DSHPA/MBZHR) të hartojë dhe të firmosë një Memorandum Mirëkuptimi me OMP-të në zbatim të Strategjisë Kombëtare të Peshkimit.

Qershor 2020

7. Sektori i Politikave dhe Strategjive të Zhvillimit në fushën e Peshkimit dhe Akuakulturës në MBZHR të hartojë Planin Strategjik Kombëtar për Akuakulturën.

Qershor 2020

8. Njësia Përgjegjëse në MBZHR (Sektori Burimeve Njerëzore dhe Arkiv Protokollit) lidhur me mos dorëzimin e detyrës dhe dokumentacionit nga [REDACTED] të marrë masat e nevojshme në zbatim të Ligjit nr. 152/2013 "Për Nëpunësin Civil", i ndryshuar dhe VKM nr. 124, datë 17.02.2016 "Për Pezullimin dhe Lirimin nga Shërbimi Civil.

Menjëherë

II. Për Pyetjen: A janë miratuar të gjitha aktet ligjore dhe nënligjore që rregullojnë aktivitetin e peshkimit dhe të akuakulturës?

Gjetje:

1. MBZHR nuk ka një Plan Veprimi për Strategjinë Kombëtare të Peshkimit.
2. Sektori i Politikave dhe Strategjive të Zhvillimit në fushën e Peshkimit dhe Akuakulturës në MBZHR nuk ka monitoruar progresin e bërë në përmbushje të objektivave specifike të zhvillimit të SKP-së.

3. MBZHR nuk ka përgatitur dhe nuk ka miratuar Planin e Zbatimit të Peshkimit sipas kërkesave të Ligjit nr. 64/2012 "Për Peshkimin", i ndryshuar, neni 26, pika 3.
4. Regjistrimi elektronik dhe transmetimi i të dhënave të librit të anijes së peshkimit nuk është miratuar me VKM sipas kërkesave të Ligjit nr. 64/2012 "Për Peshkimin", i ndryshuar, neni 77, pika 3.
5. Nuk është miratuar VKM mbi procedurat për shitjen e parë të produkteve të peshkimit sipas kërkesave të Ligjit nr. 64/2012 "Për Peshkimin", i ndryshuar, neni 112, pika 3.
6. Nuk janë miratuar me VKM Zonat e Përcaktuara për Akuakulturë sipas kërkesave të Ligjit nr. 103/2016 "Për Akuakulturën", neni 5, pika 2.
7. Sektori i Politikave dhe Strategjive të Zhvillimit në fushën e Peshkimit dhe Akuakulturës dhe Sektori i Programeve të Zhvillimit në fushën e Peshkimit dhe Akuakulturës në MBZHR nuk kanë miratuar planet e monitorimit të aktiviteteve të akuakulturës sipas kërkesave të Ligjit nr. 103/2016 "Për Akuakulturën", neni 7, pika 2.
8. Forma e dokumenteve, procedura dhe përmbajtja e kontratës që lidhet midis palëve nuk është miratuar me VKM sipas kërkesave të Ligjit nr. 103/2016 "Për Akuakulturën", neni 17.
9. MBZHR nuk ka miratuar Udhëzimet përkatëse në zbatim të Ligjit nr. 103/2016 "Për Akuakulturën", neni 19, pika 2, neni 28 dhe neni 33 pika 3.

Për sa më sipër rekomandoj:

1. Sektori i Politikave dhe Strategjive të Zhvillimit në fushën e Peshkimit dhe Akuakulturës në MBZHR të kryejë një raport vlerësimi mbi nivelin e përmbushjes së objektivave specifike zhvillimore të SKP-së.

Qershor 2020

2. Pas hartimit të raportit të vlerësimit mbi nivelin e përmbushjes së objektivave specifike zhvillimore të SKP-së, Sektori i Politikave dhe Strategjive të Zhvillimit në fushën e Peshkimit dhe Akuakulturës të hartojë Planin e Veprimit për periudhën e mbetur të Strategjisë.

Dhjetor 2020

3. MBZHR të hartojë dhe miratojë Planin e Zbatimit të Peshkimit.

Shtator 2020

4. MBZHR të hartojë dhe dërgojë për miratim në Këshillin e Ministrave draftin mbi regjistrimin elektronik dhe transmetimin e të dhënave të librit të anijes së peshkimit.

Mars 2020

5. MBZHR të hartojë dhe dërgojë për miratim në Këshillin e Ministrave draftin mbi procedurat për shitjen e parë të produkteve të peshkimit.

Mars 2020

6. MBZHR të iniciojë menjëherë punën për konsultimin me Ministritë përgjegjëse² me qëllim përgatitjen dhe miratimin e ZPA-ve. Në përfundim të procesit të konsultimit, të hartohet **Draft-VKM dhe t'i dërgohet për miratim Këshillit të Ministrave.**

Dhjetor 2020

7. Sektori i Politikave dhe Strategjive të Zhvillimit në fushën e Peshkimit dhe Akuakulturës dhe Sektori i Programeve të Zhvillimit në fushën e Peshkimit dhe Akuakulturës në MBZHR të marrin masa për të miratuar planet e monitorimit të aktiviteteve të akuakulturës.

Tre muaj pas miratimit të ZPA-ve

8. MBZHR të hartojë dhe dërgojë për miratim në Këshillin e Ministrave draftin e Formës së dokumenteve, procedurës dhe përmbajtjes së kontratës që lidhet midis palëve.

Tre muaj pas miratimit të ZPA-ve

9. MBZHR të miratojë Udhëzimet përkatëse në zbatim të Ligjit nr. 103/2016 "Për Akuakulturën", neni 19, pika 2, neni 28 dhe neni 33 pika 3.

Një muaj pas miratimit të ZPA-ve

III. Për Pyetjen: A mbulohet në mënyrë efektive i gjithë vendi dhe i gjithë zinxhiri i aktivitetit të peshkimit dhe akuakulturës me monitorim, vëzhgim, kontroll, inspektim dhe mbikëqyrje? A ka MBZHR burimet njerëzore dhe mjetet logjistike të nevojshme për të përmbushur detyrat që i ngarkon legjislacioni përkatës?

Gjetje:

1. MBZHR nuk ka të miratuar manualin e detyrave dhe përgjegjësi të inspektorëve për peshkimin.
2. MBZHR në kundërshtim me Ligjin nr. 64/2012 "Për peshkimin", i ndryshuar, neni 72, pika 9, lejon që anijet e peshkimit të kryejnë aktivitetin e peshkimit pa qenë të pajisura me pajisjen përkatëse të identifikimit dhe lokalizimit automatik.
3. QNOD e ka të pamundur të kryejë vëzhgimin e aktivitetit të anijeve të peshkimit, identifikimin dhe lokalizimin e tyre automatik pasi anijet e peshkimit nuk mund të transmetojnë automatikisht të dhënat mbi identifikimin, pozicionimin e fundit gjeografik, datën dhe orën e pozicionit, shpejtësinë dhe kursin e anijes dhe të dhënat mbi të gjitha sasinë për secilin lloj të zënë dhe të mbajtur në bord.
4. IP nuk mund të kontrollojë peshkimin e paligjshëm, të paregjistruar dhe të pa raportuar.
5. Aktiviteti i peshkimit dhe akuakulturës nuk monitorohet me inspektim dhe kontroll 24/7.
6. DSHPA/IP nuk zotëron mjete logjistike bashkëkohore që të bëjnë të mundur kryerjen me sukses të kontroleve nga ana e inspektorëve.
7. IP kryen inspektime bazuar në "Planin vjetor të inspektimit të miratuar nga MBZHR" i cili nuk hartohet sipas një metodologjie të caktuar.
8. Për periudhën 2016-2018, MBZHR nuk ka patur një Program Kombëtar të miratuar me VKM për grumbullimin, menaxhimin dhe përdorimin e të dhënave.³

² Ligji nr. 103/2016 "Për Akuakulturën", neni 5 pika 2.

³ Ligji 64/2012, "Për peshkimin" neni 93, i ndryshuar.

9. Për periudhën 2016-2018 kanë munguar “vëzhguesit” dhe “monitoruesit” të cilët janë strukturat përgjegjëse për mbledhjen e të dhënave të ndryshme referuar Ligjit nr. 80/2017, neni 125.
10. DSHPA/IP ka vetëm një lloj formati standard të inspektimeve (proces-verbal) i miratuar nga IQ, pra nuk ka formate të ndryshme sipas llojeve të inspektimeve.
11. Të dhënat e MBZHR-së dhe INSTAT-it mbi sasinë e zënieve sipas kategorive të peshkut nuk përputhen.
12. Inspektorët e DSHPA plotësojnë proces-verbale pa qenë vetë prezent në momentin e konstatimit të shkeljes, duke u bazuar në konstatime të bëra nga palë të tjera.

Për sa më sipër rekomandoj:

1. MBZHR të marrë masa për të hartuar dhe miratuar manualin e detyrave dhe përgjegjësi të inspektorëve për peshkimin si një dokument që asiston inspektorët lidhur me procesin e inspektimit.

Qershor 2020

2. MBZHR të ndjekë me prioritet dhe të angazhohet maksimalisht për pajisjen e anijeve të peshkimit me sistemin e sinjalizimit satelitor.

Mars 2020

3. DSHPA/MBZHR të marrë masat e nevojshme për të shtuar numrin e inspektorëve me qëllim mbulimin me kontroll dhe inspektim të aktivitetit të peshkimit dhe akuakulturës 24/7.

Menjëherë dhe në vazhdimësi

4. DSHPA nëpërmjet MBZHR-së të marrë masa për të përmirësuar mjetet logjistike që duhet të ketë në dispozicion gjatë inspektimit.

Menjëherë dhe në vazhdimësi

5. DSHPA/IP të përgatisin Planin Vjetor të Inspektimeve, kontrolleve duke u bazuar në një metodologji që mbështetet në vlerësimin e riskut, fondet, mjetet dhe burimet njerëzore në dispozicion.

Menjëherë dhe në vazhdimësi

6. MBZHR të marrë masa për të ngritur strukturat e “vëzhguesit” dhe “monitoruesit” në përputhje me Ligjin nr. 64/2012, neni 125 i ndryshuar.

Qershor 2020

7. DSHPA/IP të përgatisë dhe të miratojë formate të inspektimit bazuar në llojet e inspektimeve (inspektim në ujëra, në tokë apo në pikat e shitjes) që kryen me qëllim që të dhënat të grupohen sipas llojeve të inspektimeve.

Mars 2020

8. MBZHR në bashkëpunim me INSTAT të rishikojë të dhënat lidhur me sasinë e zënies së peshkut sipas kategorive të llojeve të ndryshme të peshkut me qëllim shmangien e mospërputhjeve në këto të dhëna.

Menjëherë dhe në vazhdimësi

9. DSHPA të marrë masa që asnjë inspektor të mos plotësojë dhe firmosë proces-verbale pa qenë vetë prezent në momentin e konstatimit të shkeljes.

Menjëherë dhe në vazhdimësi

IV. Për Pyetjen: A është efektiv menaxhimi i porteve nga OMP-të krahasuar me menaxhimin nga DSHPA, dhe a zbatohet marrëveshja e nënshkruar me MBZHR-në (DSHPA-në) për këtë menaxhim?

Gjetje:

1. Urdhri i Ministrit të MBZHR nr. 215 datë 5.5.2014 "Mbi marrjen në ruajtje të Portit të Peshkimit Sarandë dhe Urdhri nr. 339 datë 10.6.2015 "Për marrjen në ruajtje të Porteve të Peshkimit Shëngjin dhe Vlorë" janë miratuar nga Ministri i MBZHR në kundërshtim me Ligjin nr. 64/2012 "Për peshkimin", neni 65, pika 3.
2. Drejtoria e Përgjithshme e Shërbimeve Mbështetëse dhe Drejtoria e Përgjithshme e Politikave në MBZHR dhe DSHPA nuk kanë zbatuar Urdhrin e Ministrit nr. 339 datë 10.6.2015 "Për marrjen në ruajtje të Portit të Peshkimit Vlorë.
3. Në Rregulloren e Brendshme të Funkcionimit të DSHPA-së që MBZHR ka miratuar, nuk është përfshirë "Menaxhimi i porteve të peshkimit".
4. Për periudhën objekt auditimi nuk konstatohet që në portet e peshkimit që ka në menaxhim DSHPA/OMP të jenë bërë investime për përmirësimin e infrastrukturës së tyre.⁴
5. OMP Durrës dhe Vlorë nuk kanë zbatuar kushtet e marrëveshjeve të nënshkruara me DSHPA-në për menaxhimin e porteve të peshkimit.
6. Në asnjë nga portet e peshkimit nuk ka kantier për riparimin e mjeteve të peshkimit, madje edhe në portin e ri të peshkimit Durrës nuk ekziston një kantier i tillë.
7. Në portet e peshkimit Shëngjin dhe Vlorë hapësirat e ankorimit janë të zëna nga anijet e mbytura.
8. Në portin e peshkimit Vlorë në vendet e ankorimit të mjeteve të peshkimit ankorohen anijet turistike.
9. Në hapësirat e portit të peshkimit Vlorë janë të parkuara makina të sekuestruara nga Policia Rrugore.
10. Asnjë nga portet e peshkimit nuk ka kapacitete për ankorimin e plotë të flotës së peshkimit.
11. Asnjë nga portet e peshkimit nuk ofron kushtet minimale për peshkatarët siç janë furnizimi me energji, furnizimi me ujë, infrastrukturë të mirë si dhe mungojnë magazinat frigoriferike.
12. MBZHR nuk ka analizuar problematikat e ngritura nga DSHPA në analizat vjetore lidhur me problematikat e porteve të peshkimit dhe nuk ka hartuar një plan masash për zgjidhjen e tyre.

Për sa më sipër rekomandoj:

1. Ministri i MBZHR të shfuqizojë Urdhrin me nr. 215 datë 5.5.2014 "Mbi marrjen në ruajtje të Portit të Peshkimit Sarandë dhe Urdhrin me nr. 339 datë 10.6.2015 "Për marrjen në ruajtje të Porteve të Peshkimit Shëngjin dhe Vlorë" dhe të përcaktojë

⁴ Sic është trajtuar edhe në Pyetjen e auditimit 3.1.2 i vetmi investim që është kryer është ndërtim i Portit të ri të peshkimit Durrës (Aneksi 1)

format e menaxhimit të porteve me Udhëzim të Ministrit sipas mënyrave të përcaktuara në Ligjin nr. 64/2012 neni 65, pika 3, i ndryshuar.

Qershor 2020

2. DSHPA të hartojë dhe të dërgojë për miratim në MBZHR, "Rregulloren e Brendshme të Funksionimit" të saj ku si pjesë përbërëse të përfshijë edhe "Menaxhimin e porteve të peshkimit".

Mars 2020

3. DSHPA të propozojë në MBZHR rritjen e investimeve në portet e peshkimit Shëngjin, Sarandë dhe Vlorë duke realizuar një studim/analizë të situatës dhe nevojave aktuale të tyre, marrë në konsideratë edhe sugjerimet e KKQPA-së.

Qershor 2020

4. DSHPA të angazhohet dhe të marrë masa për zbatimin me përpikmëri të kushteve të marrëveshjes për menaxhimin e portit të peshkimit Durrës nga OMP Durrës.

Menjëherë dhe në vazhdimësi

5. MBZHR/DSHPA të marrin masa për ndërtimin e kantierëve të riparimit të anijeve në portet e peshkimit.

Dhjetor 2020

6. DSHPA/Spektori i Menaxhimit të Porteve të Peshkimit të hartojë dhe të paraqesë pranë MBZHR-së një plan veprimi për lirim të hapësirave nga anijet e mbytura në portet e peshkimit Shëngjin dhe Vlorë.

Mars 2020

7. DSHPA/ Spektori i Menaxhimit të Porteve të Peshkimit të marrë masa dhe të bëjë të mundur lirim të hapësirave ankoruese të portit të peshkimit Vlorë që janë të zëna nga anijet turistike.

Mars 2020

8. DSHPA/MBZHR të bashkëpunojë me Policinë Rrugore për të liru hapësirat e zëna nga mjetet e sekuestruara në Portin e peshkimit Vlorë.

Prill 2020

9. MBZHR të marrë masa për përmirësimin e infrastrukturës në portet e peshkimit Shëngjin, Sarandë dhe Vlorë duke ofruar facilitetet bazë për peshkatarët siç janë furnizimi me energji elektrike, furnizimi me ujë, si dhe magazina frigoriferike për peshkatarët që operojnë në portet e peshkimit.

Dhjetor 2020

10. MBZHR të shqyrtojë me përgjegjshmëri problematikat e ngritura nga DSHPA në analizat vjetore të tyre lidhur me portet e peshkimit dhe të hartojë një plan masash për adresimin dhe zgjidhjen e tyre.

Menjëherë dhe në vazhdimësi

V. Për Pyetjen: A është efektiv menaxhimi i ekonomive të rasateve të koranit, krapit dhe QGDMS?

Gjetje:

1. Ekonomia e rritjes së Koranit në Lin nuk furnizohet mjaftueshëm me ujë për zhvillimin normal të aktivitetit të rritjes së Koranit.
2. Cilësia e ujit që furnizon ekonominë e rritjes së Koranit në Lin nuk është brenda normave dhe parametrave të duhura.
3. Ekonomia e rritjes së rasatit të Koranit në Lin nuk ka një mol për të ndihmuar punonjësit në periudhën e hedhjes së rasatit në liqenin e Ohrit.
4. Ekonomia e rritjes së rasatit të Krapit në Zvezdë nuk furnizohet mjaftueshëm me ujë për zhvillimin normal të aktivitetit të rritjes së Krapit.
5. Ekonomia e rritjes së rasatit të Krapit në Zvezdë nuk punon me kapacitet të plotë prodhimi.
6. Aktiviteti në Ekonominë e rritjes së rasatit të Krapit në Zvezdë është i rrezikuar nga prania e grabitqarëve (Vidrat/Lundërzat) si dhe nga uji i ndotur me pesticide dhe kimikate.
7. QGDM Sarandë ka kapacite të kufizuara të vaskave për kryerjen e procesit të depurimit dhe teknologji jo bashkëkohore.
8. QGDM/DSHPA/MBZHR nuk sigurojnë që të gjithë prodhuesit të kalojnë të gjithë sasinë e midhjeve në qendër për certifikim dhe etiketim apo depurim sipas klasifikimit.

Për sa më sipër rekomandoj:

1. MBZHR/DSHPA/Spektori i Akuakulturës të marrë masat e nevojshme për të siguruar furnizimin e mjaftueshëm me ujë të ekonomisë së rritjes së Koranit në Lin dhe ekonomisë së rritjes së Krapit në Zvezdë.

Dhjetor 2020

2. MBZHR/DSHPA/Spektori i Akuakulturës të marrë masat që cilësia e ujit që furnizon ekonominë e rritjes së Koranit në Lin të jetë brenda parametrave të duhura.

Menjëherë dhe në vazhdimësi

3. MBZHR të bëjë të mundur financimin dhe ndërtimin e një moli në afërsi të Ekonomisë së rritjes së Koranit në Lin për të lehtësuar mbarëvajtjen dhe rritur efektivitetin e procesit të ripopullimit të liqenit të Ohrit.

Tetor 2020

4. DSHPA të paraqesë në MBZHR një plan mbi mundësitë e rritjes së kapacitetit të prodhimit (funksionimin e ekonomisë me kapacitet të plotë) në ekonominë e rritjes së Krapit në Zvezdë. MBZHR të marrë masa për të bërë të mundur funksionimin e ekonomisë me kapacitet të plotë.

Shtator 2020

5. DSHPA/Spektori i Akuakulturës të marrë masat e nevojshme për mbrojtjen e ekonomisë së rritjes së Krapit në Zvezdë nga grabitqarët duke rrethuar mjedisin ku zhvillon aktivitetin e rritjes së tij.

Qershor 2020

6. DSHPA/Sektori i Akuakulturës të marrë masa për të reduktuar ndotjen e kanalit që furnizon me ujë ekonominë e rritjes së Krapit në Zvezdë.

Menjëherë dhe në vazhdimësi

7. DSHPA/MBZHR të marrin masa për të rritur kapacitetin e QGDM Sarandë si dhe të përmirësojnë teknologjinë e saj me qëllim certifikimin dhe etiketimin e të gjithë sasisë së midhjeve të prodhuar në Liqenin e Butrintit si dhe çeljen e eksporteve.

Dhjetor 2020

Me ndjekjen dhe kontrollin e zbatimit të detyrave dhe masave të përcaktuara në këtë vendim ngarkohet Departamenti i Auditimit të Performancës..

Grupi i Auditimit

Ermira VOJKA

Aulent GURI

Keida MUÇA

Marjana LAKO

Bujar LESKAJ

KRYETAR